



PROVEDORIA DOS DIREITOS HUMANOS E JUSTIÇA

COMISSÃO DA FUNÇÃO PÚBLICA

KONKURSU PÚBLIKU REKRUTAMENTU, SELESAUN, NOMEASAUN NO PROMOSAUN PESOÁL IHA ADMINISTRASAUN PÚBLIKA

TERMU REFERÊNCIA

I. Introdusaun

Bazeia ba Dekretu Lei no. 34/2008, 27 Agostu, ho nia primeira alterasaun husi Dekretu Lei No. 22/2011, 8 Junhu no segunda husi Dekretu Lei No. 44/2011, konaba rejime hala'o konkursu, Rekrutamentu, Selesaun, Nomeasaun no Promosaun Pessoal iha Administrasaun públika, nomos Despacho No. 15365/2025/PCFP, fo kompetensia ba painel juri hodi operacionaliza ba prosesu rekrutamentu vagas ajente administrasaun públika iha Instituisaun Provedoria Direitus Humanus no Justisa.

Konforme artigu 27º Lei Inan nian ne'ebé preve ezisténsia Provedor de Direitus Humanos e Justica, hanesan órgaun independente ida ho nia kna'ar atu hare'e no buka hatan sidadaun sira nia kesar hasoru poder públiku sira, atu verifika karik aktu sira ne'e tuir duni lei ka lae, mós prevene no hahú prosesu tomak hodi haburas fali justisa, no mos ho kompeténsia atu avalia kazu konkretu sira, sem poder desizóriu, maibe bele hato'o nia rekomendasaun sira ba orgaun competente sira.

Provedoria nu'udar instituisaun nasional independente, tuir Lei Numeru 7/2004, 26 fulan Maiu (Estatutu Provedor Direitus Umanus no Justisa) ho nia alterasaun dahuluk ba Lei Numeru 8/ 2009, 15 fulan jullu, fó kompetensia ba Provedoria atu promove no proteje direitus umanus, promove governasaun di'ak, halo reparasaun justisa no asegura estadu de direitu liu husi fiskalizasaun judisiariu ba konstitusionalidade ba aktus normativas ne'ebé existe no verifikasaun inkonstitusionalidade por omisaun ba medidas legislativas sira.

Implementasaun atividades Provedoria dos Direitos Humanos e Justiça (PDHJ) nian bazeia ba Dekretu-Lei número. 31/2016, 13 Jullu, kona-ba organika PDHJ. Tan ne'e Provedoria dos Direitos Humanos no Justisa buka hela pessoal sira ne'ebé iha abilidade, experensia no kualidade profisionál iha área administrasaun no finansas atu fó apoiu servisu ba PDHJ iha Delegasaun Territorial Oecusse. Tan ne'e, PDHJ buka hela pessoal ida (1) ho pozisaun administrasaun no finansas atu hala'o funsaun hirak ne'ebé mak temin iha termu referénsia ida ne'e.

Númeru Referênsia vaga	AAP/5/2025
Tipu konkursu	Públiku
Area ka funsaun	Administrasaun no Finansas
Kategoria/Grau-Eskalaun	Tekniku Profesional (Grau D 1° - Rejime Jerál)
Númeru vaga	Ida (1)
Modalidade	Kontratadu/a (Ajente Administrasaun Públika)
Durasaun	To'o lora 31 dezembru 2025 (posibilidade bele extende)
Fatin servisu	Oecusse
Saláriu Mensal	USD 272.00 + USD 50.00 subsidiu alimentasaun/Mês & Subsidiu transportes USD 25.00
Relata ba	Diretur/a Delegasaun Territorial Oecusse

II. Deskrisaun Funsau

Delegasaun Teritorial sira maka reprezenta Provedor de Direitus Umanus atu aseguza Provedoria nia asesu ba populasaun tomak iha teritóriu tomak spesifiku liu tuir area jeografiku. Tan ne'e funsaun no responsabilidade servisu husi Tekniku Profesional administrasaun no finansas maka hanesan:

- 1) Responsabiliza no hala'o servisu tékniku administrativu nian iha Delegasaun Territorial (DT) Oecusse;
- 2) Responsabiliza ba iha kupon veiclus hanesan motor no kareta, no mos koordena ho finansas nasional hodi elabora relatoriu inklui responsabiliza ba patrimóniu no mobiliáriu edefisiu DT Oecusse;
- 3) Responsabiliza hodi arkivu dokumentu hotu ligadu ba servisu Diresaun DT Oecusse nomos dokumentu pessoal sira nian iha DT Oecusse;
- 4) Responsabiliza ba orsamentu jeral estadu ne'ebé aloka ba atividades nomos responsabliza ba "**paty cash**" hodi responde ba nesesidade ne'ebé persiza urejente iha DT Oecusse no koordena Diresaun administrasaun no finansas iha edifisiu sentral PDHJ Dili;
- 5) Prepara planu orsamentu DT Oecusse nian nomos Planu Operasional (PO) hodi kontribui ba elaborasaun planu asaun anual (PAA) PDHJ;
- 6) Apresenta planu mensal no kalendaru servisu relasiona ho administrasaun no finansas ba Diretor/a iha Delegasaun Territorial Oecusse;
- 7) Elaboro relatorius diários, semanal, mensal, trimestral, semestral no anual ba superior hirarkiku hanesan sasukat ba avaliasaun desemepeñu anual;
- 8) Hala'o serbisu seluk ne'ebé orienta husi Diretor/a iha Delegasaun Territorial Oecusse ho koordena servisu husi Diretor/a sira seluk iha PDHJ Nasional Dili tuir nesesidade instituisaun.

III. Kualifikasaun

- 1) Mínimu nivel edukasaun lisensiatu iha area administrasaun públika, jestaun finansas, jestaun públika no politika públika husi universidade akreditadu;
- 2) Mínimu tinan ida (1) esperiênsia servisu iha área administrasaun no finansas;
- 3) Iha koñesimentu kona-ba planu, ezekusaun orsamentu no halo relatoriu sira ho natureza iha instituisaun públika;
- 4) Iha koñesimentu kona-ba estrutura no funksionamentu administração pública iha Timor-Leste;
- 5) Hatudu kapasidade komunikasaun ne'ebé di'ak inklui kapasidade atu halo koordinasaun, ligasaun ho autoridade públika no instituisaun relevantes;
- 6) Kapasidade hodi serbisu ho efikas ho pesoál sira hotu-hotu iha organizasaun ida nomos iha kapasidade halo kooperasaun ho ema seluk no iha sensibilidade ba kestaun kultural sira;
- 7) Prontu iha kualker tempu hodi hala'o servisu bainhira instituisaun prezisa;
- 8) Iha koñesimentu uza komputadór (inklui programa Microsoft Office, Excel no Power Point);

IV. Rekizitu jéral sira

Rekezitu Jeral ou Mandatoriu (Estatuto da Função Pública, Lei Nú. 8/2004, 16 Juñu, alteradu ho Lei Nú. 5/2009, Artigu 14º), atu sai funsonáriu públiku tenke:

- 1) Sidadaun Timor-Leste;
- 2) Tinan mínimu 17 no máximu 55;
- 3) La halo krime dolozu (halo ho hanoin a'at) ne'ebé korresponde ba kastigu iha kadeia ho durasaun to'o tinan 2 (dua) ka liu, ka la komete asaun seluk ruma ne'ebé hetan sansaun iha administrasaun públika;
- 4) La hetan demisaun husi knaar ka pozisaun sira iha funsaun públika.

V. Prosesu Kandidatura

Kandidata/o sira tenke apresenta ka submete dokumentu sira hanesan tuir mai ne'e:

- 1) Karta rekerimentu tenke asina husi requerente;
- 2) Currículo Vitae (CV) tenke asina husi requerente nomos tenke asina husi referensia sira ema nain rua;



- 3) Foto kópia habilitasaun literarias legalizado husi Ministério do Ensino Superior Ciéncia e Cultura (MESCC) RDTL no kandidatus apresenta diploma original wainhira passa ba prova oral;
- 4) Foto kópia sertidaun RDTL;
- 5) Foto kópia Bilhete Indentidade (BI) ou kartaun eleitór (KE);
- 6) Deklarasaun bom komportamentu (Karik seidak iha bele apresenta ou notifika wainhira passa ba prova oral)

Dokumentu hirak mensiona iha leten tenke dirije ba Presidente Júri hodi submete diretamente ba Diresaun Gestaun Rekursus Humanus (DGRH) PDHJ iha edifisiu Caicoli-Dili, Timor-Leste, ka bele kontaktu (Nú. 78086710/77584220). Rekerimentu hahú hatama iha loron 01 Setembru 2025 no loron ikus liu hatama rekerimentu iha loron 12 Setembru 2025, horas 08.30 to'o 16.30 OTL.

VI. Kompozisaun Júri

Ekiba júri ba rekrutamentu no selesaun ida ne'e kompostu husi:

- 1) Ambrosio Graciano Soares, PDHJ-Presidente Júri
- 2) Filomena Maria de F. Dias, PDHJ-Vogal
- 3) Teresinha Ximenes, PDHJ-Vogal
- 4) Valentim dos Rosario Babo, CFP-Vogal
- 5) António Amaral, CFP-Vogal

VII. Métodu selesaun no sistema klasifikasaun final

Métodos selesaun liu husi análise currículum vitae (CV), prova eskrita no prova entrevista. Klassifikasaun final mai husi média aritmética simples husi klasifikasaun sira ne'ebé hetan husi métodos selesaun sira, iha eskala husi 0 to'o 100 pontos. Kandidatu/a sira ne'ebé nia valor prova eskrita mínima 60 ba leten bele hakat ba etapa intrevista. Ikus liu, kandidatu/a ne'ebé valor bo'ot liu no prenxe rekeztus husi avizu ida ne e mak sei selebra kontratu servisu ho PDHJ.

VIII. Materia ba selesaun

1. Konstituisaun Republika Demokrátika Timor Leste (KRDTL)
2. Estatutu PDHJ Lei nú.7/2004, alterasaun Primeiru, Lei nú.31/2016
3. Estatutu Funsan Públika Lei nú.8/2004, alterasaun ba Lei nú.5/2009
4. Lei Organiku PDHJ Dekréto Lei nú.25/2011, alteriasaun I, Lei nú.31/2016
5. Tratados internasional relasiona ho direitus humanus ne'ebé estadu Timor Leste ratifika ona;
6. Boa Governasaun no Administrasaun Públiku
7. História Timor Leste

IX. Publikasaun Rezultadu

Kandidatu/a ne'ebé admitidu ba konkursu no lista klasifikasaun final sei fó sai iha kuadru avizu PDHJ, Rua de Caicoli Dili, Komisaun Funsau Públika nomos liu husi meius komunikasaun seluk hanesan facebook PDHJ, website www.pdhj.tl no Portal CFP.

Dili, 29 Augustu 2025


Ambrosio Gradiano Soares
Presidente Júri

